



準輝煌又足電搏殺 江南勇士最佳冷門

禮拜日沙田煞科，馬會將1,300萬多寶注入三T彩池，鍾意玩呢個大彩池朋友，真係笑到碌地！第五場四班1600米，揀膽唔使問一定「準輝煌」，姚本輝真係落足心機練呢隻馬，跑11場擲到4亞3季，梗係差些少贏唔到，今次休息個幾月又足電，上個禮拜五交界巴度試加油開幾輕鬆，今次排7檔唔差，希望可以贏馬開胡。呢場冷腳揀「江南勇士」，今季已經執咗2W，四班係上風馬，近兩場都輸形勢，今次換周俊樂咪睇小。

遨遊波士1檔正晒

第六場四班1400米，呢場馬玩雙膽，「遨遊波士」初出贏馬喺內欄搵到靚位，上次排13檔全程走出面，咁跑法唔輸有鬼，今次換潘明輝排番1檔，應該啱晒佢跑。「天蓬貓」初出即刻後上第三，證明質素唔錯，上場潘明輝擺位麻麻哋，呢個第四好唔抵，今次換梁家俊可以反擊。

三T提供(240注)		
第五場	第六場	第七場
5 準輝煌	1 遨遊波士	6 彩虹七色
1 勁好運	8 天蓬貓	3 特別美麗
2 手到再來	3 做好自己	10 順善寶
3 江南勇士	9 環球英雄	12 勝多多
10 禾道威	13 精算激流	13 同喜
	14 銳一	14 紅海風帆
(6注)	(4注)	(10注)

紅字為馬膽

第七場四班1200米，「彩虹七色」嚟到香港三場都跑到位置，今次對手再弱多少，梁家俊唔放手，用佢做膽穩陣。

歐洲傳奇五班爆畀你睇

今期去到沙田煞科日，馬會編兩場五班喺第一、二場，呢兩場馬真係亂過亂世佳人，啱晒普羅馬迷刀仔鋸大樹。
第一場五班1400米，呢場有五隻降班馬，我就揀「歐洲傳奇」，呢隻新西蘭PP，居然跑三季只得兩個Q腳，真係好難想像，一場係初出田草1200米跑第二，頭馬「旺旺神駒」贏過二班，跟住上季初泥地1200米輸畀「自強不息」，橫睇掂睇都有理由要落到五班，但事實就係咁。「歐洲傳奇」落班用黃寶妮減10磅，重戴眼罩如果咬到好位跑，隨時可以爆畀你睇。



●「歐洲傳奇」初降五班換黃寶妮減磅，有力出冷。

冷門WP	
第一場	1 歐洲傳奇

香港馬主協會錦標 禪勝輝煌爭衛冕

香港馬主協會於1978年成立，在1998年馬會與香港馬主協會經商議後，設立香港馬主協會錦標，並安排每季沙田煞科日上演，首屆盟主是資深馬主伍燕梅名下「萬事勝」，騎師薄奇能及練馬師姚本輝。這項錦標暫時僅「隨心隨意」於2013年及2016年贏過兩屆。
呂健威與香港馬主協會錦標有緣，近七屆三度報捷，包括「輝煌星」、「錶之未來」及上屆冠軍「禪勝輝煌」，後駒今屆進行衛冕戰，值得重視。



●上屆香港馬主協會錦標由「禪勝輝煌」勝出。

配備系列：交叉鼻箍

交叉鼻箍在晨操和出賽中都是一個常用卻容易被大眾忽略的配備，主要用來幫助控制性情強烈或難以駕馭的賽馬。這種鼻箍由兩條橡皮帶組成，在馬鼻上交叉呈「X」形，並在馬下顎和耳後固定。其設計可防止馬匹大幅張口，這通常是牠們抗拒口銜鐵的方式，從而讓騎師在高速奔馳時能更有效地掌控馬匹。與其他類型的鼻箍相比，交叉鼻箍避免對鼻孔等敏感部位施加過多壓力，因此既具控制力，也相對舒適。它特別適合那些在比賽中容易抗拒銜鐵或難以控制的馬匹使用。
文：Bryan



●「真僥倖」需戴交叉鼻箍以穩定韁口。

天時地利集一身 永遠美麗起風雲

沙田馬場煞科日以全閩A欄作賽，全日共有三場1600米賽事上演，此程的檔位近三季數據中，以第10檔最搶鏡，合共作賽30次錄得5冠4亞3季，勝出率與入Q率分別高達17%與30%，均為同程最高。明晚第八場第一班1600米跑香港馬主協會錦標，「永遠美麗」今季一直主攻級制賽，但合共作賽9場卻僅得1季，表現令人失望。前戰此馬在獅子山錦標的三級賽1600米賽事，一直跟前守好位，最終不敵輕磅的「和平波」及實力相當的「禪勝輝煌」，已是今季最好演出。當然，考慮此馬今季已經6歲，略有退化亦屬正常，但歷來在港錄得9冠，上季仍能摘下冠軍一哩賽及馬會一哩錦標，今季作賽雖欠突出成績，卻也是場場接近，所負不遠，可見仍具上佳戰鬥力。
再者，蔡約翰今場三路興兵，雖是各為其主，也可能會互相掩護，而「美麗

系」另一匹的「美麗同享」，縱是來自告東尼馬房，但也是在「永遠美麗」馬主郭浩泉旗下，尤其「美麗同享」剛已拿下精英碟，今場更有機會讓路予「永遠美麗」，加上「永遠美麗」上場潘頓跑輸，今場換回奧爾民可施展回馬槍。
另外要留意，此程的1檔屬零勝盲門位，合共作賽34場只得0冠2亞1季，勝出率與入Q率分別為0%及6%，均是同程最低，以為排1檔可以一步不蝕，其實隨時全程困死機會更高。第八場排得1檔的是大衛希斯的「太陽勇士」，此馬今場排劣檔已經注定難有運行。

盲檔禾道威小心中伏

其餘第五場跑四班1600米，排10檔好位的是「旗幟鬥士」，今季中起降至四班，評分漸見有利，近兩場表現都有改善，今場或有冷機，而同場1檔「盲門位」則是潘頓策騎的「禾道威」，雖然來勢洶洶，但排劣檔都要慎防中伏。

尾場包晒艾兆禮兩駒



今期雖然係沙田煞科戰，但六寶獎有多寶，都係以有限注碼玩比較實際，第九場「米奇」同「飛輪步」呢對同路馬各有優點，「米奇」呢隻四歲仔雖然有啲反覆，但落番三班卡士始終高一截。「飛輪步」最大殺着可以擺頭走，排1檔更加放得輕鬆。

巴度摸通魅力寶駒

第十場「魅力寶駒」狀態嚟番，而且三班的確係上風馬，巴度贏過三次完全摸通晒隻馬點跑。「小鳥天堂」上場初三班縮嚟包尾，霍宏聲唔知搞邊科，今次難得有換人，希望佢醒醒定定。第十一場艾兆禮隻「南區之星」同「同心同樂」都夠惡，「南區之星」打疊執咗2W好醒神，近兩場回一回氣，艾兆禮唔放手要睇。「同心同樂」上場依絲W，升班減磅夠發揮，兩隻包晒穩陣。

蔡約翰三師徒做重心

蔡約翰冠軍擇硬，今期聯同兩位徒弟一齊嘍沙田煞科日出擊，其中容天鵬玩埋呢兩次就退休，可以話完全有保留，而羅富全亦派咗惡馬配合，一於跟住呢條方搵食！
混合過關頭關第三場四班1200米，「魅力知福」初出已經想割人，但當時隻馬差些少力，衝落去跑番個第三，跟住健康似乎有啲問題，停完課再操番要時間調整番正，上場終於再跑第二，證明一切回復正常，雖然艾道拿停賽要換田泰安，但呢位仁兄上個月幫阿蔡爆「弦力寶」都咪話唔精彩，一於用佢行頭。

第八場一班1600米，「越駿歡欣」雖然唔係最頂尖貨色，今季未用過獎金，演出真係準到爆，巴度跑佢係信心保證，上次跑完第二，充番電再嚟搏過，梗係希望贏馬兼捧盃。第九場「飛輪步」走得快、好世界，霍宏聲贏過兩場，已經熟晒呢隻馬性能，排1檔一於可以再帶到。


六環彩 (72注) 三寶 (12注)		
第六場	第七場	第八場
1 遨遊波士	3 特別美麗	4 越駿歡欣
8 天蓬貓	6 彩虹七色	
	10 順善寶	
第九場	第十場	第十一場
2 米奇	2 魅力寶駒	4 南區之星
3 飛輪步	3 星月飛雲	10 同心同樂
	6 小鳥天堂	



●「越駿歡欣」與巴度非常合拍。

混合過關3×7 (26注)		
第三場 Q	第八場 Q	第九場 Q
9 魅力知福	4 越駿歡欣	3 飛輪步
3 佳運發	2 禪勝輝煌	2 米奇
5 金玉良言	5 手機錶霸	10 魅力知耀
紅字為馬膽		

百萬足金大抽獎 沙田馬場喜悅「煞」不停



●Kiri T的表演令人期待。



經過明日黃昏馬後，今季的沙田馬場賽事便正式結束，在這重要時刻，香港賽馬會亦安排了集音樂、美食及獎賞於一身的多項精彩活動，務求令入場人士在煞科派對盡興而歸！
首先重點推介，自然是沙田馬場日日賞活動，這項馬季煞科大抽獎，足金獎品總值達到港幣100萬元之多。當日場內特設的大抽獎，只要於晚上7時或之前在沙田馬場完成指定登記程序，掃描場內指定抽獎二維碼之參加者，完成登記即可參加。主辦方將抽出十位幸運兒，各可獲得價值港幣10萬元的指定馬蹄鐵足金乙個；記緊中獎人士將於當晚8時前獲電話通知，並須於指定時間即場領獎。

此外，大會今次更找來新生代樂團Zpecial聯同音樂創作人Kiri T強勢打造青春舞台，在賽事期間於好賞食樓下舞台帶來清新動感音樂，為沙田馬場注入源源不絕的活力！

騎師完場將派公仔紀念品

至於到賽事結束之後，為感謝馬迷一整季的傾力支持，騎師們將與觀眾作近距離互動，並派發「浪漫勇士」、「嘉應高昇」、「遨遊氣泡」、「百賀飛駒」及「愛賽馬」造型的指定小馬公仔，大家記得留到最後，收集紀念品！

另邊廂，馬會網店「馬場有禮」特別為夏令賽事推出主題精品，當中首次聯乘香港潮玩品牌「派膠所」推出馬場限定的冠軍名駒7cm搪膠塑像，一共7款，包括「金鎗六十」、「浪漫勇士」、「嘉應高昇」及「精英大師」等，更設有特別招財版以供選購。每款塑像將於指定賽馬日發售，每款限量300個。想一次集齊7款塑像，大家可於明日到馬場內的「馬場有禮」門店購買，更會獲贈特別招財版一個！其他精品包括坐姿小馬公仔套裝、帆布手提袋、LED匙扣及LED磁貼等。產品數量有限，售完即止。馬迷們記得把握機會於煞科日入場購買！



●足金馬蹄鐵獎賞分量十足。



●想要這幾款冠軍小馬公仔，記得留到最後呀！